

金錄延壽設醮儀

法事如式

各默禮師 存念如法

五星列照 煥明五方 水星卻災 木德致昌

熒惑消禍 太白辟兵 鎮星四據 家國利亨

名刊玉簡 字錄帝房 乘飆散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁

鳴法鼓二十四通

無上三天玄元始三炁太上老君 召出臣身中三五功曹 左右官使者

左右捧香驛龍騎吏 侍香金童 傳言散花玉女 五帝直符直日香

官使者 各三十六人出 出者嚴裝顯服 冠帶垂纓 關啟此間土地

里域神真 臣今設醮朝修 欽奉 其諸丹悃 具載緘騰 願得太

上十方正真生炁 下降流入臣等身中 令臣所啟之誠 速達徑御

至真無極大道三清上聖

昊天至尊金闕玉皇上帝 御前

金錄延壽設醮儀

清微藏書閣

請稱法位

具位臣姓某與臨壇官眾等 謹同誠上啟

太上無極大道虛無自然元始天尊

虛皇玉晨大道君靈寶天尊

萬變混沌玄元老君道德天尊

昊天至尊玄穹高上帝

勾陳上宮天皇帝

中天星主紫微北極大帝

神霄玉清長生大帝

東極青華大帝

后土皇地祇

九天生神上帝

三十二天帝君

五靈五老上帝

玄都萬壽天尊

太平護國天尊

福生無量天尊  
大羅諸天尊 諸后元君  
上清十一大曜星君  
南斗六司延壽星君  
北斗九皇延生星君 夫人內妃仙眷  
二十八宿星君  
十二宮辰星君  
上清福祿壽三星真君  
皇帝本命星君  
帝座照臨星宰  
泰玄樞機三省上相真君  
三元三官大帝  
北極四聖真君  
靈寶五師真君  
九天金籙無量壽生神君  
十方無極飛天神王

金籙延壽設醮儀

清微藏書閣

三界大勳魔王  
三天門下三元真君  
引進詞表靈官  
諸司院府主法高真  
雷霆三司天君  
上界朝元列班真宰  
五嶽五帝真君  
五天聖帝  
洞天福地靖盧治化仙官  
北陰玄天酆都大帝  
水府扶桑大帝  
本靖本派經籍度師 列位真人  
馬趙關溫四大元帥 城隍社令  
祀典明神 內廷五祀之神  
三界醮筵真宰 虛空鑒察威靈  
臣聞 道先天地 凝光明於混沌之中 化並陰陽 妙裁成於鴻

濛之內 包羅有截 囊括無垠 曰希 曰夷 曰微 上極無上 惟  
玄 惟元 惟始 高拱彌高 仰窺則忭 忽難名 俯視則杳冥莫測  
凡居陶冶 孰越範圍 臣等樗散菲材 塵籠濁質 追隨幻境 徒冉  
冉於駒馳 撫閱流光 悵悠悠於兔逐 矢心補過 勵志立功 期精  
進以學真 庶操存而領教 臣欽奉綸音 肅嚴祀事 爰恪遵於玄範  
庸肅闡於朝儀 葵藿傾誠 蘋蘩致敬 伏望 元尊錫慶 上聖流  
光 朱鳳翼轅 降綠輦丹輿之仗 玄龍驂乘 陪瓊輪羽蓋之班 三  
界侍軒 萬真受事 式副再三之悃 不遺萬一之忱 臣等下情 不  
勝欸俟之至

### 降兩班聖位

三界眾真 醮筵列聖 向伸拜請 諒沐光臨 請各整於仙班  
共祇迎於帝御

### 降聖

### 雲輿

鸞輿至止 鶴駕臨軒 與醮列真 如儀朝禮  
朝禮既周 請陞醮席 禮官上香 酒陳初獻

## 金錄延壽設醮儀

### 清微藏書閣

### 法事

### 重稱法位

具位臣姓某重誠上啟

三清上聖 十極高真

圓穹之帝后仙真 方域之曹僚主執

三界內外一切真靈

臣聞 三洞流光 玉局注延生之典 九清布化 琅函垂益壽之  
文 自萬變混沌以傳經 繇六合高明而啟教 恩流黃混 澤浹清微  
恭逢聖誕之甫臨 敬致華封之頌 祝臣等籲天激切 扣地勤拳  
每懷九還御氣之方 欲致七返延真之術 仰依大道 用助洪禧 弘  
開金籙之玄文 普迓玉京之上聖 來颿旂於黃道 駐寶輦於瑤壇  
喜溢天恩 壽增聖筭 具如詞悃 俯伏奏聞

### 宣詞

詞文控露 玄鑒孔昭 黍稷非馨 謹寓粢盛之潔 蘋蘩可薦  
爰陳綿蕝之儀 伏願 倉倉時歆 高高日監 尊彝間錯 伶華鳴九  
奏之音 籩豆靜嘉 符寶擁九光之仗 克誠切切 庸敬渠渠 冀垂

陰翊之功 永協昇平之慶 臣等上香 酒陳亞獻

進狀 臣聞 天雖高而聽卑 惟人心而無間 人欲壽而請禱 必天聽以潛孚 影響無違 鼓桴胥契 臣今欽奉綸音 建壇設醮 已荷慈

觀 降福延年 諒從真禱 伏願 皇圖永固 聖壽萬安 新慶宜增 睹椿松之茂悅 夙心昭著 對箕翼之輝明 壽等華嵩 福同河漢

至治協唐虞之世 雍和樂義昊之風 次願 臣等障惱消除 塵緣解脫 傳道授法 志有合於金蘭 守默存誠 操益堅於冰檠 凡有

祈扣 悉藉帡幪 上願 圓蓋高華 方輿澄晏 山靈薦瑞 川后呈祥 雨順風調 百谷豐登成於地利 星移斗轉 四時常施於天恩

同文同軌以同倫 曰富曰康而曰壽 鳶飛魚躍 均陶一炷之生生 獸舞鳳儀 普合萬形之化化 凡諸有識 悉證無為 臣等致恭 酒

陳終獻 法事 重稱法位 具位臣姓某重稱上啟

金錄延壽設醮儀

清微藏書閣

三清上聖

十極高真

日月星斗

本命星君

天地神祇

陰陽主宰

三界內外

應感真靈

臣聞 萬帝臨軒 媿葛藟之可擇 千官侍坐 諒葑菲之不遺

獻酬已罄於三周 奠享幸殫於一念 以今玉杓影轉 銀漢光斜 月

澹八鸞 已翩翩而上運 風清九鳳 復搖曳以高征 煙駟傍馳 雲

龍遐邁 臣等無從控挽 惟劇瞻馳 不勝依戀之至 臣與臨壇官眾

等 謹稽首頓首 奉辭聖駕

送聖頌

存神燒香

香官使者 左右龍虎君 侍香諸靈官 當令臣向來設醮朝修之

所 自然生金液 丹碧芝英 百靈眾真 交會在此 香火鑪前 當  
願皇圖永固 聖壽萬安 十方仙童玉女接待 蘭煙傳臣向來所啟之  
誠 速達徑御  
至真無極大道三清上聖  
昊天至尊金闕玉皇上帝 御前  
回向  
向來

金籙延壽設醮儀竟

天運壬辰年巳月正一天師清微弟子洪鼎堅羅大英恭錄彙編  
蔣科靜複校

金籙延壽設醮儀

清微藏書閣